

Transkription von Testament HST 1380b

Ort, Datierung: Stralsund, 1380-02-18

Signatur: Stadtarchiv Hansestadt Stralsund, Test 1, Nr. 0383 [\[online\]](#)

Inhalt: Herman Rust: Testament

In godes namen amen Jk herman rust in wolmacht myner redelcheyt vnde myner zynne in zalicheyt / myner zelen zette ik vnde schicke myn testame(n)te in dus daner wys Tũ dem yrsten male zo beuele ik myne zele in de hende ghodes Vortmer zo gheue ik myme bichtvadere her lůldeken deme mo(n)nyke van anklam / ene zundesche mark Vortm(er) wyllet my de grawen mo(n)nyke laten grauen in ere closter vp ene stede dar / yt mynen vru(n)den behaghet zo gheue ik en twe mark wyllet ze des nicht dũn zo schole(n) myne vormu(n)dere / de twe mark anders wor keren in godes ere vnde scolet er den mo(n)nyken nicht gheuen . Vortmer zo gheue / ik Ghezeke wytteldaghes vyf mark Vortm(er) zo gheue ik twe m(a)rk dar me ¹ schal luttik beyr mede kopen dat / scalme den armen Cranken lůden gheuen tũ me hylghen gheiste vnde tũ zunthe Jurȳen vorme zunde Dar / na zo gheueik al myn gud dat ik dar bouen hebbe myner bedderuen vrowen wente yt vnser beyder wol / ghewnnen gud ys Vortm(er) were yement de zik nicht nũghen wolde laten an deme dat ik em ghegheue(n) vnde / bescheden hadde zo scolten myne vormu(n)dere desses testame(n)tes vulle macht hebben . dat em becheden ys / tũ neme(n)de vnde an godes ere tũ kerende wor en dat nutte dunket Dyt testame(n)te wyl ik stede vnde / vast holden zo langhe dat ik dat zuluen wytlyken vnde mu(n)tliken bysprake . . Des ys my schuldich hint/ze lettowe vere schillinghe vnde twe mark vortm(er) ys my schuldich merten tuschenmaker vij schillinghe / Vortm(er) ys my schuldich otte platenslegher veerteyn schillinghe Tũ dessem testame(n)te keze ik tũ vormu(n)dere(n) / De erlyken beschedene lůde mathias leucken Joha(n)ne van therne hinrik velgast vnde Johan van der putte(n) / vnde bidde ze dat ze my also hyr an vorstan alzik en wol tũ loue Dyt gheuen vnde ghescreuen ys tũme / zunde Na godes bort drutteynhundert jar in deme achte(n)tighesten yare Des and(er)en zu(n)nauendes in der vastene / Dar zynt ouer ghewes(t) de beschedenen lůde hinrik velgast Johan van der putten Johan ma(n)haghen vnde / hans schiltberch Tu dessem testame(n)te zynt ghezant vam me rade deerliken Ratlůde her / tydeman van vnna vnde her tydeman Crůdener

¹ me übergeschrieben